

**Oqaasiliortut Ataatsimiinnerat**  
**Pingasunngornermi maajip 26-anni 2010**  
**Ilimmarfimmi Oqaasileriffiup ataatsimiittarfiani.**

Peqataasut: Abia Abelsen, Stephen Heilmann, Eva Møller Thomassen aamma  
Carl Chr. Olsen kiisalu oqaluuserisassami 7-imi Peter Fr.Rosing.  
Peqataangitsoq: Ellen J.Karlsen  
Allatsi: Katti Frederiksen

**Oqaluuserisassatut siunnersuutit:**

1. Tikilluaqqusineq – Siulittaasoq CCO tikilluaqqusivoq, ataatsimiinnermilu oqaluuserisassat akuerineqarlutik.
2. Kingullermik imaqarniliap akuerineqarnera – naqinnerliukkat aaqqitassat eqqaassanngikkaanni imaqarniliaq taamaatillugu akuerineqarpoq.
3. Ilisimatitsissutit – Peter Frederik Rosingimik ataatsimeeqateqarnissaq, ilanngullugu kingullermik imaqarniliami nr.21 PFR peqatigalugu eqqartorneqarlutillu aalajangiivigineqarnissaat ilisimatitsissutigineqarpoq.

Ukiumoortumik nalunaarut piareerpoq, SH-ip naqqiissutissani allatsimut annguppai, taakkualu aaqqinneqareerpata nittartakkamut ikkunneqariaannanngussalluni.

Ilanngullugu Oqaasileriffiup nittartagaata nutarterneqarnerani isikkussaata nutaap aalajangiunneqarsimanera nalunaarutigineqarpoq.

4. Pædagogisk udviklingskonsulent (26.04.10)

Kalaallisut ima taaguuserneqarpoq - **Perorsaariaatsinut Siunnersorti**  
Soorunami atorfiup imarisaa aamma atorfiliup sunik suliaqarnera apeqqutaalluni taaguusernissaa pisariaqarmat danskisuumiit nutseriinnarnissaq pinngitsoorniarlugu apeqqutilliisoq aperineqarpoq naapertuuttumik taaguusiisoqarsimansoq.

5. Nalunaaquttamut taaguutit (11.05.10)

Nalunaaquttamut atatillugu taaguutit kisitsisit tassaapput:

Nalunaaqutaq ataaseq – ataatsimut – ataatsimiit – ataatsip qeqqa

Nalunaaqutaq marluk – marlunut – marluniit – marluk qeqqa

Nalunaaqutaq pingasut – pingasunut – pingasuniit – pingasut qeqqa

Nalunaaqutaq sisamat – sisamanut – sisamaniit – sisamat qeqqa

Nalunaaqutaq tallimat – tallimanut – tallimaniit – tallimat qeqqa

Nalunaaqutaq arfineq – arfinermut – arfinermiit – arfernup qeqqa

Nalunaaqutaq arfineq-marluk – arfineq-marlunut – arfineq-marluniit – arfineq-marluk qeqqa

Nalunaaqutaq arfineq-pingasut – arfineq-pingasuniit – arfineq-pingasuniit - arfineq-pingasut qeqqa

Nalunaaqutaq qulingiluat/arfineq-sisamat – qulingiluanut/arfineq-sisamanut – qulingiluniit/arfineq-sisamaniit – qulingiluat qeqqa/arfineq-sisamat qeqqa

Nalunaaqutaq qulit – qulinut – quliniit – qulit qeqqa

Nalunaaqutaq aqqaneq/isikkaneq – aqqanermut/isikkanermut – aqqanermiit/isikkanermiit – aqqarnup qeqqa/isikkarnup qeqqa

Nalunaaqutaq ullup-qeqqa/unnuap-qeqqa – ullup-qeqqanut/unnuap qeqqanut – ullup-qeqqaniit/unnuap-qeqqaniit – ullup-qeqqata qeqqa/unnuap-qeqqata qeqqa

Malugalugu *ataaseq*, *arfineq* aamma *aqqaneq* taakkua ataasersiutaammata immikkullu aamma taaguutaat pissuseqarlutik, tassa tikiffilerutip atornerarnerani -*mut* atugaalluni, sinnerini –nut atornerartoq.

Aamma maluginiagassaq alla tassaavoq ass. nal. 14.30 imalt. 02.30 *pingasut qeqqanik* taaguuteqarmat piginnittorsiutitaqarani (\*pingasup qeqqa), tassani nalunaaquttamat taaguutit oqaatsisut katitatut pissusilinnik allanit allaanerussutigaat.

Piginnittorsiut kisimi ukunani atugaasinnaavoq: *ullup-qeqqa* aamma *unnuap-qeqqa* aamma ilanngullugit ataasersiutitut pissusillit *ataatsip-*, *arfernup-* aamma *aqqarnup-qeqqa*.

6. Pisortaqarfinni atorfiit taaguutaat – Ilaliussaq 1 takuuk.

Atorfiit taaguutaasa suliarineqarneri iluatsillugit sektion aamma kalaallisut taaguuserneqarpoq: **suliaqarfik**

7. Peter Fr.Rosingimik ataatsimeeqateqarneq – eqqartorneqartut pingaarnersaat tassaavoq ataatsimeeriaatsit assigiinngitsut kalaallisut pisortatigoortumik tamanut atuuttussianik akuerisanik taaguusiineq.

Makkua isumaqatigiissutaallutik taaguusiunneqarput:

Konference – Isummersoqatigiinneq

Generalforsamling/Kongres – Ataatsimeersuarneq

Seminar – Isumasioqatigiinneq

Symposium - Isumattorsaqatigiinneq

8 Allat - WHO's anti-tobaksdag kalaallisut qanoq taaguuteqarneranut Oqaasiliortunut apeqquteqartumut tunngatillugu taaguutit assigiinngitsut marluk atugaareersut arlaat atorneqaannarsinnaanerat Oqaasiliortut ilisimatitsissutigaa:

1. Nunarsuatsinni pujortartarneq akiorniarlugu WHO-p ullorititaa
2. Naalagaaffiit Peqatigiit nunarsuatsinni tupamik akiuiniarluni ullorititaa

Inussiarnersumik inuulluaqqusilluta  
Carl Chr. Olsen  
Siulittaasoq

Katti Frederiksen  
Allatsi